



74
6272
15



74  
6272  
15

欽定禮部則例卷一百二十六

祠祭清吏司



米五味均平藏

顯佑宮 在地安門外東北

一每歲

萬壽聖節致祭

北極佑聖真君於

顯佑宮 順治八年議准

遣太常寺堂官行禮

儀注

欽定禮部則例卷一百二十六 祠祭清吏司



祭日。廟祝潔掃廟宇內外。太常寺官具器陳。設  
果實五盤。餅餌十有五盤。鑪一。鐙二。設案一於  
南少西。北向。供祝版。設案一於東。西向。陳禮神  
制帛一。色白香盤一。茶瓊三。陳洗於東階下。少南  
和聲署官設樂於西階下。少南。承祭官拜位在  
殿內正中。司祝司帛司瓊各一員。分立祝  
案尊案之次。典儀立於殿東檐下。掌燎立燎鑪  
之南。日出前一刻。承祭官朝服詣廟。贊引太常  
寺贊禮郎二員。引承祭官由左側門入。贊盥洗

承祭官盥手畢。升東階入殿左門。至拜位前北  
面立。典儀贊執事官各司其事。贊禮郎贊就位  
承祭官就位立。典儀贊迎

神。樂作。贊詣上香位。引承祭官詣香案前立。贊上  
香。司香跪進香。承祭官上炷香。三上。灑香畢。贊  
復位。引承祭官復位。贊跪。叩。興。承祭官行三跪  
九叩禮。興。典儀贊行初獻禮。司帛司瓊各進至  
神位前。司帛捧篚跪奠於案。三叩。興。司瓊捧茶瓊  
立獻於案正中。皆退。司祝至祝案前跪。二叩。興

捧祝版跪案左。樂暫止。贊禮郎贊跪承祭官跪。贊讀祝。司祝讀祝畢。興以祝版跪安篚內。叩如初。興退。樂作。贊禮郎贊叩興。承祭官行三叩禮。興。典儀贊行亞獻禮。司瓊捧茶瓊獻於左。如初。獻儀退。贊行終獻禮。捧茶瓊獻於右。如亞獻儀退。典儀贊送。

神贊禮郎贊跪叩興。承祭官行三跪九叩禮。興。典儀贊捧祝帛送燎。司祝司帛詣

神位前咸跪。三叩。司祝捧祝。司帛捧篚。興。司香跪

捧香。興以次恭送燎所。承祭官避立拜位西。俟祝帛過復位立。典儀贊望燎贊禮郎引承祭官詣燎位視燎。贊禮畢。樂止。引承祭官退。執事官皆退。

火神廟 在地安門外

一每歲以季夏月下旬三日致祭

火神廟 康熙二年議准

遣太常寺堂官行禮。

儀注

祭日廟祝潔掃廟宇內外。太常寺具祝版。備器陳牛一。羊一。豕一。果實五盤。鑪鑪具。殿中少西設一案。北向。供祝版。東設一案。陳禮神制帛一。色尊一。爵三。香盤一。和聲署設樂於階下。太常寺設洗於東階下。少南。設承祭官拜位於殿內正中。司祝司香司帛司爵各立祝案。尊案之次。典儀立殿東檐下。掌燎率燎人立燎鑪旁。承祭官朝服行三跪九叩禮。升降均由東階。出入殿左門迎。

神。上香奠帛讀祝。三獻送。

神。望燎儀均與祀。

北極佑聖真君同。

礮神

一每歲以季秋朔日陳列八旗漢軍礮位於盧溝橋之北。屆期由太常寺奏請分

遣八旗漢軍都統或副都統八員致祭。叅領佐領均

陪祭。康熙二十年議准漢軍祀礮後。火器營祀

礮神於盧溝橋。

遣火器營總統一員行禮。叅領等官陪祭。儀與漢軍

同。乾隆十四年議准

儀注

前一日。地方官備祭案。太常寺具器陳。祭日。漢軍弁兵陳八旗。礮位於壇內。按翼左右序列。皆西向。前設八案。各設

神位。以紙為之。前設牲帛。各陳羊一。豕一。果實五盤。瓊

三十。又前設香案。各陳鑪一。鐙二。壇中少北設一案。供祝版。左右分設二案。各陳香盤四。爵十

有二尊。四。帛。勺。具。設洗於壇外之南。司祝司香。司爵各立祝案。尊案之次。承祭官位。各香案前。東面陪祀副都統以下。以其班序。均東面。典儀一員。立於壇左。掌燎。率燎人立燎。鑪。隅。日出前。二刻。承祭官暨陪祀官。咸補服詣壇。贊引太常寺贊禮郎各二員。分引入旗。承祭官至盥洗所。盥手畢。詣各拜位前立。典儀贊執事官各司其事。贊禮郎贊就位。承祭官各就位立。典儀贊迎神。贊禮郎贊詣上香位。引各旗承祭官分詣各旗

神位前贊上香司香跪捧香承祭官上炷香三上  
擬香畢贊復位各引復位立贊跪叩興承祭官  
行三跪九叩禮陪祀官均隨行禮典儀贊行初  
獻禮有司揭尊暴勺挹酒實爵司爵各捧爵進  
至

神位前立獻於案正中退司祝詣祝案前跪三叩  
興捧祝版跪案左祝版內承祭官書王爵銜名  
如無王爵則書鑲黃旗都統  
名由太常寺  
開列具奏贊禮郎贊跪承祭官暨陪祀官咸  
跪典儀贊讀祝司祝讀祝畢典捧祝版跪安於

鑲黃旗礮位前叩如初興退贊禮郎贊叩興承  
祭官暨陪祀官均行三叩禮典儀贊行亞獻  
禮司爵各捧爵獻於左如初獻儀退贊行終獻  
禮司爵各捧爵獻於右如亞獻儀退贊送  
神贊禮郎贊跪叩興承祭官陪祀官均行三跪九  
叩禮典儀贊捧祝版送燎有司各奉  
神位在前次祝次香由中道恭送燎所承祭都統  
各避立拜位左右俟過復位立贊禮郎贊詣望  
燎位引承祭官各詣燎位視燎贊禮畢引承祭

官退執事各官皆退

欽定禮部則例卷一百二十七

祠祭清吏司

都城隍廟 在宣武門內之西

一每歲秋日諏吉。

遣官致祭

都城隍廟行常祀禮

萬壽聖節

遣官告祭順治八年議准均由太常寺具題開列領待衛內

大臣散秩大臣尙書都統。



欽派一員致祭

儀注

祭日。廟祝潔掃廟宇內外。太常寺具祝版。備器陳。牛一。羊一。豕一。設釧二。簋二。籩二。豆十。鑪一。鐙二。設案一於殿少西北。向供祝版。設案一於殿東西向。陳禮神制帛一。色白香盤一。尊一。爵三。設洗於東階下。和聲署設樂於西階上。承祭官拜位在階上正中。司祝司香司帛司爵。分立祝案尊案之次。典儀立殿外東檐下。掌燎率

燎人立燎鑪之前。均如常儀。日出前一刻。承祭官朝服詣廟。贊引太常寺贊禮郎二員引承祭官由左側門入。贊盥洗。承祭官盥手畢。升東階。至拜立前北面立。典儀贊執事官各司其事。贊禮郎贊就位。承祭官就位立。典儀贊迎

神樂作。贊禮郎贊詣上香位。引承祭官入殿左門。至香案前立。贊上香。司香跪捧香。承祭官上炷香。三上。燂香畢。贊復位。承祭官復位立。贊跪叩。與承祭官行三跪九叩禮。典儀贊奠帛爵。行

初獻禮司帛跪捧篚於案三叩興司爵立獻爵於正中皆退司祝詣祝案前三叩興捧祝版跪案左樂暫止典儀贊讀祝贊禮郎贊跪承祭官跪司祝讀祝畢興捧祝版跪安於篚叩如初興退樂作贊禮郎贊叩興承祭官行三叩禮興典儀贊行亞獻禮司爵捧爵獻於左如初獻儀退典儀贊行終獻禮司爵捧爵獻於右如亞獻儀退典儀贊徹饌有司徹畢典儀贊送。

神贊禮郎贊跪叩興承祭官行三跪九叩禮興典

儀贊捧祝帛送燎司帛司祝詣

神位前咸跪三叩捧祝帛興司香跪捧香興以次送至燎所承祭官避立拜位西俟祝帛過復位立典儀贊望燎贊禮郎引承祭官詣望燎位視燎贊禮畢引承祭官仍由東側門出樂止各退○如行告祭禮。

神位前陳牛一羊一豕一果實五盤不設籩豆鑪  
鑿具讀祝三獻不贊徹饌餘均如常祀儀。

東嶽廟

在朝陽門外

一每歲

萬壽聖節致祭

東嶽廟。

遣太常寺堂官一員將事。

儀注

祭日。廟祝潔埽廟宇內外。太常寺官具祝版。備器陳。牛一。羊一。豕一。果實五盤。鑪一。鐙二。殿中少西設一案。供祝版。東設一案。陳禮神制帛一。色青香盤一。尊一。爵三。和聲署設樂於西階上。太

常寺設洗於東階下。少南。承祭官拜位在階上。

正中。司祝。司香。司帛。司爵。典儀。掌燎。各以其職。

為位。承祭官朝服行禮。迎。

神上香。初獻讀祝。亞獻三獻。送。

神望燎。儀均與祭。

都城隍廟同。

黑龍潭昭靈沛澤龍神祠

在都城西北金山之西

一每歲春秋諏吉致祭

黑龍潭昭靈沛澤龍神祠

謹按乾隆三年。勅封昭靈沛澤龍王之

神是年遵 旨議 准春秋致祭列於祀典

遣內務府

圓明園大臣一員將事其因所求雨澤致祭者或

親詣或

遣官均候

特旨舉行

儀注

祭日太常寺具祝版備器陳羊一豕一簋簋各  
二籩豆各十鑪鐙具殿中少南設一案供祝版

北設一案陳禮神制帛一色白香盤一尊一爵三

和聲署設樂於南階上太常寺設洗於東階下

之北承祭官拜位在階上正中司祝司香司帛

司爵典儀掌燎各以其職為位承祭官朝服行

禮迎

神上香初獻讀祝亞獻三獻徹饌送

神望燎儀均與祭

都城隍廟同

玉泉山惠濟慈佑靈濩龍王廟

一每歲春秋諏吉致祭

玉泉山惠濟慈佑靈瀆龍王廟

謹按乾隆九年勅封惠濟慈

佑龍神。嘉慶六年奉 上諭惠濟慈 與 佑龍王廟著稱為惠濟慈佑靈瀆龍王廟

黑龍潭龍神祠同日

遣官致祭

儀注

祀日太常寺官設祝案於殿中少西供祝版東

設一案陳香帛尊爵設洗於東階之南和聲署

設樂於西階上其餘牲牢品物行禮儀節及所

用樂章均與

黑龍潭龍神祠同

昆明湖廣潤靈雨祠 在玉帶橋之西

一每歲春秋諏吉致祭

昆明湖安佑普濟沛澤廣生龍神祠

謹按嘉慶十七年奉

上諭原封安佑普濟下敬增沛澤廣生四字 是年遵 旨議准春秋致祭列於祀典 與

黑龍潭龍神祠同日

遣官致祭

儀注

祀日太常寺官設祝案於殿中南向供祝版東設一案陳香帛尊爵設洗於南階之西和聲署設樂於西階上其餘牲牢品物行禮儀節及所用樂章均與

黑龍潭龍神祠同

白龍潭昭靈廣濟普澤龍神祠

在密雲縣東

一每歲春秋諏吉致祭

白龍潭昭靈廣濟普澤龍神祠

謹按乾隆四十六年勅封昭

靈廣濟龍神。嘉慶十九年奉

旨春秋致祭。列入祀典。二十二年奉

上諭。白龍潭龍神封號再敬擬加增一字。奏明列入神牌以各靈貺。欽此。經內閣恭擬進呈奉 硃筆圈出與 普澤

黑龍潭龍神祠同日

遣官致祭。前期十日。由太常寺具奏。開列侍衛處散

秩大臣。

欽派一員前往致祭。

謹按嘉慶十八年六月。兵部侍郎明志面奉 諭旨。致祭

白龍潭龍神。毋庸由京派員前往行走執事。其贊引讀祝各項執事。應令該督溫承惠飭令該處豫備。

儀注

祀日。地方官備祭案。具器陳。供祝版。陳香帛尊爵。並牲牢品物。其贊引讀祝各執事。由直隸總督派員將事。餘儀與

京師龍神祠同

惠濟祠

河神廟 均在 綺春園內

一每歲春秋諏吉致祭

惠濟祠

護國庇民妙靈昭應宏仁普濟福佑羣生誠感咸

孚顯神贊順天后之神。

河神廟。

長源佑順淮瀆之神。

顯佑通濟昭靈效順金龍四大王之神。

靈佑襄濟黃大王之神。謹按嘉慶二十二年奉 上諭。 御園 惠濟祠

河神廟。自本年秋祭為始。每歲春秋二季與 照清漪園靜明園二處 龍神。一體致祭。

黑龍潭龍神祠同日

遣圓明園大臣將事。典禮儀注與

黑龍潭龍神祠同

后土

司工之神

一凡有大興作由工程處知會禮部交欽天監擇吉題准致祭

后土

司工之神由太常寺奏請

欽派禮工二部堂官各一員行禮祝文由翰林院撰

擬

一修建

宮殿告竣合龍門懸掛扁額

遣大臣一員致祭

司工之神與興工例同其應給承祭大臣裏金銀

花一對大紅緞二疋由戶工二部支取

儀注

豫日工部官於營建所在因其方設左右二壇

祭日五鼓太常寺官設

神案各一於壇內正中以黃紙書

后土之神



司工之神皆為位供案上各陳帛一羊一豕一餅

餌十有五盤果實五盤尊一爵三鑪燈具設祝

案於中少右供祝版和聲署設樂司祝司帛司

香司爵典儀掌燎各以其職為位承祭官拜位

在壇內香案前正中贊禮郎引承祭官朝服行

禮迎

神上香初獻讀祝亞獻三獻送

神望燎儀均與祭

都城隍廟同

審神

門神

一迎吻由工程處具奏知會禮部劄欽天監諷

吉致祭

琉璃審神及經由之門

謹按乾隆四十年皇極殿迎吻奏准致祭正陽門

大清門

午門

寧壽門

○嘉慶六年

午門

○

門樓座迎吻

致祭正陽門

大清門

午門

○

二十四年

乾清門

迎吻

致祭正

陽門

○

陽門

大清門

午門

後左門

遣官及告祭事宜由太常寺奏辦祝文翰林院撰擬

一迎吻日吻上用裹金銀花二對大紅緞二方

承祭官及迎接吻獸之禮部工部內務府堂官

各給裏金銀花一對。大紅緞二疋。一品以上羅緞。二品以下

雲緞太常寺卿各給銀花一對。大紅雲緞二疋。在

工司員太常寺執事官欽天監候時官各給銀

花一枝。大紅雲緞一疋。在工筆帖式和聲署司

樂官各給角挺絨花一枝。大紅彭緞一疋。掌尺

匠頭各給角挺絨花一枝。紅絹一疋。俱簪花披

紅行禮。謹按嘉慶六年。午門樓座迎吻。二十四年。乾清門迎吻。承祭大臣在工官

員均未簪花披紅。

儀注

豫日。工部官設壇於琉璃窖。及迎吻所經之門。

祭日五鼓。和聲署設樂於各壇前。設導迎樂於

窖門外。太常寺官設

神位。陳羊豕餅餌。果實香帛尊爵鑪鐙。設洗。如祭

司工儀。陳吻於窖前。和聲署樂作。太常寺贊禮郎

引琉璃窖承祭官詣

窖神位前。朝服行禮。引各門承祭官詣

門神位前。朝服行禮。均與祭

司工儀同。祭畢導迎樂作。前列龍旗。

御仗鑾儀衛校尉昇吻。禮部太常寺官前導。承祭官從所經諸門。承祭官及工所管工官列班恭迎。以入。俟安吻事竣。各退。

倉神

一每歲春秋諏吉致祭

司倉之神。通州祭於大西倉。倉場侍郎主祭。各監督陪祀。京倉左翼祭於海運倉。右翼祭於興平倉。朝陽門外祭於儲濟倉。各以本倉監督行禮。各監督分行陪祀。

儀注

是日。倉場官設帛一。羊一。豕一。果實十盤。尊一。爵三。鑪。鐙具。主祭官率陪祀官朝服。實明將事。行三跪六叩禮。上香。三獻爵。燎楮帛如儀。

欽定禮部則例卷一百二十八



祠祭清吏司

功臣配饗事宜

一凡功臣配饗之禮。

旨下。由禮部具儀奏

聞。神主龕座祭案。交工部製造。擇吉鐫字。祭器祭品

交太常寺置辦。俟四時大饗前期。太常寺奏

派大臣一員。祇告

太廟。祇告祭文。交翰林院撰擬。時饗之日。

遣官一員捧主配饗宗室王東廡異姓王以下功臣

西廡謹按乾隆四十三年奉旨超勇親王額駙策凌移於東廡怡賢親王之次

安奉如禮捧主東廡遣郡王謹按乾隆四十三年十月禮親王等

六王配饗太廟捧主王銜不敷將貝勒貝子銜名一同開列西廡遣三品

以上大臣由禮部開列奏

派迎主綵亭

御仗交鑾儀衛豫備

儀注

功臣配饗於時饗日入

廟前一日太常寺官先行祇告禮乃設龕座於配饗之

次至期豫陳俎豆少牢於位前若宗室王設太

牢。鑾儀衛設綵亭於工部堂前露臺上捧主官

一員詣工部於神主前行一跪三叩禮捧主安

設綵亭內民校尉昇行前列

御仗王吾仗功臣引仗自工部中門出鴻臚寺官二員乘

馬前引至

東長安門主至天安門

御仗綵亭止捧主官自亭捧主鴻臚寺官二員導

引由

東長安左門入

天安左門至

太廟街門北旁門由甌城門西旁門入至戟門西旁門

鴻瀘寺官止太常寺官引至甬道右拜位。王於階上

功臣於階下。北面立捧主官安神主於拜位起稍退

代行三跪九叩禮畢捧神主與太常寺官前引

奉安於配饗之次行三叩禮退屆祭時分獻如

儀

欽定禮部則例卷一百二十九

祠祭清吏司

賢良祠

一每歲春秋仲月諷吉致祭賢良祠。在地安門外之西雍

正八年建前殿宗室親王位後室公侯伯以下及一

二品文武大臣位均南向前殿

遣官一員後室以太常寺卿一員將事所祀王公子

孫及大臣子孫通籍在京者咸與行禮。

一王公大臣奉

百八祀賢良祠禮部題請交工部製牌位欽天監擇

吉期太常寺恭送入祠按照世次序其爵秩安

設於本家

賜祭一壇祭文翰林院撰擬謹按乾隆十年議准賢良祠後宇四龕奉祀賢

良臣五十八位請合為一龕恭照我朝繼承之序定諸位饗祀之班首序世次之最先者餘

則左右分行各按世次序其爵秩大學士居前領侍衛內大臣次之尚書都統將軍總督前鋒

統領獲軍統領提督侍郎巡撫副都統各依次安設至世爵列爵五等有子男授尚書都統侯

伯為侍郎副都統者應以尚書都統等秩為序

一入祠王公大臣事蹟文職行吏部武職行兵

部旗員移查該旗外員移查該籍督撫京員移

查本任衙門咨送禮部轉送翰林院照例立傳

一賢良祠前殿祀

和碩怡賢親王允祥雍正八年入祠

和碩超勇襄親王策凌乾隆十五年入祠

後室祀

大學士諡文成榜式達海

太傅兼太子太師內秘書院大學士一等子諡文肅范文程

蒙古副都統一等輕車都尉諡襄壯褚庫巴圖魯

少傅兼太子太傅內國史院大學士諡文毅甯完我。

少師兼太子太師內國史院大學士諡文恪額色黑。

少保兼太子太保定西將軍內大臣一等公諡靖康愛星阿。以上六人俱雍正十年入祠。

太子太保議正大臣一等男加一雲騎尉諡恪僖哈世屯。乾隆元年入祠。

太子太保定西將軍都統三等侯諡敏壯墨勒根轄李國翰。

太保四川陝西總督諡忠毅孟喬芳。  
四川陝西總督諡襄勤李國英。以上三人俱雍正十年入祠。

少保兼太子太傅中和殿大學士一等忠達公諡文襄圖海。雍正八年入祠。

太子太傅保和殿大學士兼禮部尚書諡文毅魏裔介。



少保太子太傅保和殿大學士兼禮部尚書諡

文靖王熙。

文華殿大學士兼吏部尚書諡文襄李之芳。

太子太保加贈少保武英殿大學士兼吏部尚

書諡文清阿蘭泰。

太子太保文華殿大學士兼戶部尚書諡文貞

張玉書。

保和殿大學士兼刑部尚書諡文端吳璵以上

俱雍正十年入祠。

太傅文華殿大學士兼禮部尚書諡文端張英

雍正八年入祠。

太子太傅文淵閣大學士兼吏部尚書諡文貞

李光地。

太子太保領侍衛內大臣一等公諡恭懿福善

太子少師領侍衛內大臣一等公諡襄壯費揚

古以上三人俱雍正十年入祠。

戶部尚書議政大臣一等男加一雲騎尉諡敏

果米思翰乾隆元年入祠。

刑部尚書諡端恪姚文然。

刑部尚書諡敏果魏象樞。

工部尚書管詹事府事諡文正湯斌。以上三人俱雍正十年入祠。

年入祠。

太師禮部尚書諡文端顧八代

太子太傅議政大臣吏部尚書諡恭勤馬爾漢

以上二人俱雍正八年入祠。

太子太傅贈禮部尚書諡文恪勵杜訥。雍正十年入祠。

太子太保戶部尚書諡恭毅趙申喬。雍正八年入祠。

吏部尚書兼翰林院掌院學士諡文敬徐潮。雍正十年入祠。

十年入祠。

太傅尚書銜諡文定徐元夢。乾隆六年入祠。

禮部尚書銜福建巡撫諡清端陳瓊。

太子太保工部尚書銜河道總督諡文襄靳輔

以上二人俱雍正八年入祠。

撫蠶滅寇大將軍兵部尚書廣西巡撫諡忠毅

傅宏烈。乾隆五十七年入祠。

鑲藍旗滿洲都統諡襄壯根特。雍正十年入祠。

欽定禮部則例

卷一百一十五

祠祭清吏司

五

正白旗滿洲都統。一等褒績公。諡襄毅。賴塔。雍正八年入祠。

八年入祠。

正藍旗漢軍都統。諡桓僖。馮國相。

太子少傅。靖海將軍。靖海侯。福建水師提督。諡

襄壯。施琅。

少師。仍兼太子太師。靖逆將軍。一等侯。甘肅提

督。諡襄壯。張勇。

太子太保。振武將軍。甘肅提督。諡襄武。孫思克。

太子太保。奮威將軍。陝西提督。諡忠勇。王進寶。

鎮南將軍。鑲白旗護軍統領。諡襄壯。莽依圖。

西安將軍。諡恭靖。佛尼勒。

勇畧將軍。雲南貴州總督。兼一等子。諡襄忠。趙

良棟。

太子太保。江南江西總督。諡清端。傅臘塔。

太子太保。江南江西總督。諡清端。于成龍。

太子太傅。武英殿大學士。兼吏部尚書。諡文恭。

富寧安。以上十一人俱雍正十年入祠。

太傅。文華殿大學士。兼吏部尚書。諡文端。朱軾。

乾隆元年入祠

少保文華殿大學士兼吏部尚書諡文端張鵬

翮雍正十年入祠

太子太師文華殿大學士兼吏部尚書諡文端

田從典

太子太傅文淵閣大學士兼吏部尚書世襲二

等輕車都尉諡文恪高其位以上二人俱雍正十二年入祠

領侍衛內大臣二等公諡愨敬尹德

鑲紅旗蒙古都統協理將軍諡僖恪阿爾納以上

二人俱雍正十年入祠

太子太傅加禮部尚書銜兼管國子監祭酒事

諡文定楊名時乾隆元年入祠

少保湖廣總督諡清端楊宗仁

太子太傅河道總督諡勤恪齊蘇勒以上二人俱雍正八年入祠

年入祠

太子少保兵部尚書銜直隸總督諡敏達李衛

乾隆五年入祠

太保加贈太傅保和殿大學士兼戶部尚書世

襲二等伯諡文穆馬齊。

文華殿大學士兼吏部尚書諡文端伊桑阿。以上

二人俱乾隆十二年入祠。

太師武英殿大學士諡文端福敏。乾隆二十一年入祠。

少保武英殿大學士伯兼管陝甘總督諡文襄

黃廷桂。乾隆二十四年入祠。

太子太保東閣大學士諡文恪蔣溥。乾隆二十六年入祠。

太傅文淵閣大學士諡文靖史貽直。

太保東閣大學士諡文莊梁詩正。以上二人俱乾隆二十八年入祠。

年入祠。

太保武英殿大學士諡文端來保。乾隆二十九年入祠。

太保保和殿大學士一等忠勇公晉贈郡王銜

諡文忠傅恒。乾隆三十五年入祠。

太保協辦大學士一等武毅謀勇公諡文襄兆

惠。乾隆三十九年入祠。

太保文華殿大學士諡文端尹繼善。

太子太傅東閣大學士諡文恭陳宏謀。以上二人俱乾隆三十六年入祠。

太子太傅文淵閣大學士諡文定劉綸。

太傅東閣大學士諡文正劉統勳。以上二人俱乾隆三十八

年入祠。

太保武英殿大學士諡文襄舒赫德。乾隆四十二年入祠。

大學士諡文穆徐本。

大學士諡文定高斌。以上二人俱乾隆五十二年入祠。

太子太保東閣大學士諡文肅英廉。

太子太傅文華殿大學士兩江總督諡文端高

晉。以上二人俱乾隆四十八年入祠。

大學士貝子晉贈郡王銜諡文襄福康安。嘉慶元年

入祠。

武英殿大學士誠謀英勇公晉贈太保諡文成

阿桂。嘉慶二年入祠。

晉贈太子太師予告東閣大學士諡文端王杰

嘉慶十年入祠。

一等伯左都御史諡壯果拉布敦。乾隆十五年入祠。

太子太師吏部尚書諡文端汪由敦。乾隆二十三年入祠。

太子太保戶部尚書諡勤恪李元亮。乾隆二十六年入祠。

太子太保戶部尚書果毅公諡襄壯阿里衮乾隆

三十四年入祠。

太傅刑部尚書銜諡文端錢陳羣乾隆三十九年入祠。

禮部尚書諡文恪董邦達嘉慶十二年入祠。

贈太師禮部尚書原任兵部侍郎諡文勤覺羅

奉寬嘉慶十二年入祠。

太子少保兵部尚書兩廣總督諡文肅陳大受

乾隆十六年入祠。

太子太保兵部尚書浙閩總督諡愨勤喀爾吉

善乾隆二十二年入祠。

太子太保兩廣總督贈兵部尚書諡文勤鶴年

乾隆二十二年入祠。

加贈尚書銜四川總督諡勤肅鄂弼乾隆二十八年入祠。

一等伯都統諡襄烈傅清乾隆十五年入祠。

一等男叅贊大臣成都將軍諡文毅奎林乾隆五十年

七年入祠。

一等伯西路將軍諡武烈和起乾隆二十一年入祠。

伊犁將軍諡襄武伊勒圖乾隆五十一年入祠。

太子太傅直隸總督諡愨勤那蘇圖乾隆十四年入祠。

太子太保陝甘總督諡勤毅吳達善乾隆三十七年入祠。

直隸總督諡恪敏方觀承乾隆五十年入祠。

太子太保直隸總督諡清愨袁守侗乾隆四十八年入祠。

兩江總督諡誠恪薩載乾隆五十一年入祠。

太子太保總督管河南巡撫諡恭惠何焯乾隆三十九年入祠。

廣西提督晉贈三等伯諡昭毅許世亨乾隆五十五年入祠。

光祿大夫福建巡撫諡敏惠潘思渠乾隆十七年入祠。

江蘇巡撫徐士林乾隆六十年入祠。

廣東巡撫諡恭毅李湖乾隆五十年入祠。

太子太保體仁閣大學士諡文清劉墉嘉慶九年入祠。

晉贈太傅予告東閣大學士諡文恭董誥嘉慶二十三年入祠。

贈太傅體仁閣大學士諡文正朱珪嘉慶十一年入祠。

贈太子太師體仁閣大學士諡文端戴衢亨嘉慶十六年入祠。

十六年入祠。

入祠。



太子太保。工部尚書。贈協辦大學士。謚文勤彭

元瑞

嘉慶十二年入祠。

儀注

前殿每位一案。各陳羊一。豕一。果實五盤。鑪一。鐙二中。設一案。少東北向。供祝版。西設一案。東向。陳香盤二尊。二爵六。素帛二。後室五案。共羊一。豕一。每案果實五盤。鑪。鐙具。東設一案。西向。陳香盤一。尊一。爵三。素帛一。凡牲陳於俎。帛實於篚。尊。實。酒。幕。勺。具。設洗於前殿東階下。前後各設燎鑪。於垣門內東南隅。漏未盡。與祭者各服其服。畢。集於祠垣門內。太常寺典儀立前殿檻外之東。司祝立祝案東。司香。司帛。司爵。各以其職爲位。掌燎率燎人立燎鑪前。質明。承祭官蟒袍補服詣祠。贊禮郎二員引前殿承祭官由中門入。又二員引後室承祭官隨入。各至東階下盥手畢。升階。就拜位前立。鴻臚寺官引王以下子孫序立於前殿甬道左右。引公以下大臣子孫序立於後室庭中左右。均北面。典儀贊執

事官各司其事贊禮郎贊就位承祭官以下咸  
 就位贊上香前殿承祭官詣正中香案前立司  
 香跪捧香承祭官上炷香三上瓣香次詣各香  
 案前上香如儀贊復位承祭官復位贊跪叩興  
 承祭官暨陪祀官均行二跪六叩禮興後室承  
 祭官並時詣中案前上香儀同凡儀節後室均  
 隨前殿唱贊行  
 禮典儀贊奠帛爵行初獻禮有司揭尊罍勺挹  
 酒實爵司帛捧篚詣案前跪奠於案三叩興司  
 爵捧爵立獻正中皆退前殿後室同司祝詣祝

案前跪三叩興捧祝版立案右典儀贊讀祝司  
 祝北面宣讀承祭官立聽陪祀官皆跪聽讀訖  
 司祝以祝版安於中案篚內跪三叩興退陪祀  
 官三叩興典儀贊行亞獻禮司爵捧爵奠於左  
 贊行終獻禮司爵捧爵奠於右均如初獻儀贊  
 禮郎贊跪叩興承祭官暨陪祀官均行二跪六  
 叩禮興典儀贊捧祝帛送燎司祝司帛司香捧  
 祝帛香以次送燎如儀承祭官避立西旁俟祝  
 帛過復位典儀贊望燎陪祀官退贊禮郎各引

承祭官分詣燎位視燎贊禮畢仍引由中門出各退。

欽定禮部則例卷一百三十一

祠祭清吏司

京師功臣專祠

一凡功臣奉

旨立祠載在祀典者。

京師凡七。睿忠親王祠

在朝陽門外。乾隆四十五年建。祀睿忠親

王多爾袞。定南武壯王祠

在廣寧門外。順治十一年建。祀定

南武壯王孔有德。恪僖公祠

在安定門外。康熙十九年建。祀

宏毅公遏必隆。領侍衛內大臣尹德。果毅公阿

里亥勤襄公祠。在朝陽門外。雍正二年建。祀一等公佟圖賴

一等公佟國綱一等公佟國維文襄公祠。在德勝門外。雍正二年建。

祀宏毅公額亦都恪僖公祠。在東安門內。乾隆十四年建。祀

承恩公哈世屯承恩公米思翰承恩公李榮保

大學士贈郡王銜傅恒每歲春秋仲月諏吉。

遣太常寺堂官致祭其

特賜祠名者凡四雙忠祠。在崇文門內。乾隆十六年建。祀都統贈

一等伯傅清左都御史贈一等伯拉布敦旌

祠。在地安門外之西。乾隆三十三年建。祀誠嘉毅勇公明瑞都統

扎拉豐阿護軍統領觀音保總兵李全王玉廷

德福獎忠祠。在地安門內之東。嘉慶二年建。祀貝子大學士贈

郡王銜福康安褒忠祠。在地安門外之西。嘉慶十一年建。祀領

侍衛內大臣三等公額勒登保每歲春秋致祭

太常寺題請

遣官行禮。

一建祠事宜禮部題請交內務府相度地基繪

圖

呈

覽派員如式蓋造祠內石碑碑亭燎爐成具其祠內外扁額內閣撰擬字樣進

呈

一牌位龕案供器等物交工部製造神位入祠吉日欽天監選擇祭品太常寺備辦祭文碑文翰林院撰擬屆期太常寺官奉請入祠

遣大臣一員致祭

一看守祠宇太常寺於樂舞出身官內擇一人

為住持埽除人役順天府派撥均由禮部題准

後移文各衙門遵行

儀注

睿忠親王祠一案以福晉配每祭陳羊一豕一

果實五盤尊一每位爵各二報功制帛共一香

盤一

定南武壯王祠一案以福晉配每祭陳羊一豕

一果實五盤尊一每位爵各二報功制帛共三

乾隆十八年改香盤一用報功制帛

恪僖公祠三案宏毅公諡恪僖過必隆位中領侍衛內大臣諡愨敬尹德位左果毅公諡襄壯阿里衮位右各以夫人配每祭陳羊三豕三果實十五盤尊三每位爵各三素帛共四香盤三勤襄公祠三案一等公諡勤襄佟圖賴位中一等公諡忠勇佟國綱位左一等公諡端純佟國維位右各以夫人配每祭陳羊三豕三果實十五盤尊三每位爵各三素帛共七香盤三文襄公祠一案致祭大學士一等公諡文襄圖

海以夫人配每祭陳羊一豕一果實五盤尊一每位爵各三素帛共四香盤一  
宏毅公祠一案致祭光祿大夫宏毅公額亦都每祭陳羊一豕一果實五盤尊一爵三素帛二香盤一

恪僖公祠四案一等承恩公諡恪僖哈世屯位中一等承恩公諡敏果米思翰位左一等承恩公諡莊慈李榮保位右大學士晉贈郡王銜諡文忠傳恒位左次各以夫人配每祭陳羊四豕

四。果實二十盤。尊四爵各二。素帛八。香盤四。

雙忠祠一案。都統一等伯謚襄烈傅清位東。左都御史一等伯謚壯果拉布敦位西。每祭陳羊一。豕一。果實五盤。尊一。爵各三。報功制帛二。香盤一。

旌勇祠三案。一等誠嘉毅勇公謚果烈明瑞位中。都統謚昭節扎拉豐阿。總兵李全德福位左。護軍統領觀音保。總兵王玉廷位右。每祭陳羊一。豕一。果實十五盤。尊二。每位爵三。帛六。香盤

一

獎忠祠一案。祀贈郡王銜貝子大學士謚文襄福康安。每祭陳羊一。豕一。果實五盤。尊一。爵三。帛一。香盤一。

褒忠祠一案。祀領侍衛內大臣都統三等公謚忠毅額勒登保。每祭陳羊一。豕一。果實五盤。尊一。爵三。帛一。香盤一。

祭日太常寺官備器陳鑪。鐙具安祝文於案。設洗於祠內。司祝司香司帛司爵典儀掌燎各以

其職為位質明。承祭官蟒袍補服詣祠贊禮郎  
 二員引承祭官自中門入。盥手升階詣拜位前  
 立。典儀贊執事官各司其事。贊禮郎贊就位。承  
 祭官就位立。贊禮郎引承祭官詣香案前。贊上  
 香。司香跪捧香。承祭官上炷香。次三上瓣香。祠  
另案者承祭官贊復位。承祭官復位贊跪叩興  
 均至案前上香。承祭官行二跪六叩禮。興。典儀贊奠帛爵行初  
 獻禮。司帛捧篚。司爵捧爵。各奠於案如常儀。退  
 司祝至祝案前跪。三叩興。捧祝文立案右。北面

宣讀訖。以祝文安於篚內。跪叩如初。興。退。典儀  
 贊亞獻。司爵獻爵於左。贊終獻。司爵獻爵於右  
 均如初。獻儀贊禮郎贊跪叩興。承祭官行二跪  
 六叩禮。興。典儀贊捧祝帛送燎。司祝。司香。司帛。  
 捧祝香帛。以次送燎如儀。承祭官避立拜位西  
 旁。俟祝帛過復位立。典儀贊望燎。贊禮郎引承  
 祭官詣燎鑪前視燎。贊禮畢。仍引由中門出。退

盛京賢王祠

一



盛京賢王祠祀通達郡王雅爾哈齊。武功郡王禮敦慧哲郡王額爾袞。宣獻郡王界堪。禮烈親王代善。睿忠親王多爾袞。饒餘敏親王阿巴泰。豫通親王多鐸。穎毅親王薩哈廉。鄭簡親王濟爾哈朗。克勤郡王岳托。武肅親王豪格。怡賢親王允祥。每歲春秋季月。奉天府尹承祭。讀祝贊禮。及執事等官。以

盛京禮部贊禮郎充。

儀注

正殿三龕。中龕奉通達郡王。武功郡王。慧哲郡王。東龕奉宣獻郡王。禮烈親王。睿忠親王。饒餘敏親王。豫通親王。西龕奉穎毅親王。鄭簡親王。克勤郡王。武肅親王。怡賢親王。位均南向。龕各設一案。每案羊一。豕一。果實五盤。鑪鐙具。殿中少東設案一。陳祝文。東設一案。陳尊十三。素帛十三。爵各三。餘行禮儀節。與京師賢良祠同。

欽定禮部則例卷一百三十一

祠祭清吏司

昭忠祠

一昭忠祠

在崇文門內

每歲春秋仲月擇吉

遣大臣一員致祭。前正室中安設王等牌位。正室左右及後正室安設公以下大臣四品以上官員牌位。前東西配室。後左右室安設五品以下官員文職典史以上及舉貢生監武職外委以上牌位。前兩序兩廡後配房羣房。附祀陣亡官兵

每祭承祭大臣詣前室致祭太常寺委官十有三員各分獻所祀王公子孫暨諸臣子孫在京師者咸與行禮。

一陣亡官員及兵丁兵部題請卹賞移咨禮部

題請入祠

謹按嘉慶七年奉 上諭禮部等衙門奏陣亡官兵例應祀昭忠祠

因現在軍營陸續咨報人數衆多祠內所設牌位龕座不敷安設請另為籌辦等語隨征官員兵丁等為國家宣勞捐軀矢節我

世宗憲皇帝憫念忠勤特於雍正二年建立昭忠祠春秋從祀實屬酬庸曠典近來剿辦教匪已屆七年官兵等無不齊心敵愾其間效命疆場者亦復不少現當大功告成允宜報祀酬勲

風勵蓋節茲據禮部等衙門奏稱昭忠祠內配

室兩廡不敷安設即另為添蓋祠宇亦事屬可行但念陣亡官兵等檄調各省者居多且有各處召募鄉勇非盡係八旗及順天府屬之人莫

若於外省各府城內如關帝廟城隍廟地址有可展拓者耐祠從祀既足安妥忠魂令其各依故土又可使其鄉閭親屬共觀互知感發

亦足以昭激勸其應如何籌辦之處著大學士九卿妥議具奏欽此遵 旨議奏嗣後凡應

入祀昭忠祠者文職三品以上武職二品以上以及八旗官員兵丁仍於京師入祠致祭其四

品以下之文職三品以下之武職及兵丁鄉勇各按本籍查取事蹟立傳祀於該籍府城之

關帝廟 城隍廟如兩廟內均無空閒屋宇即擇別廟地址有可展拓者蓋屋三楹設立牌位正面各依官職之大小序定位次兵丁安設兩旁春秋二次地方官承祭至順天府所屬之人亦歸於順天府查照一體辦理其久經入祀照忠祠之官兵仍依舊制安設毋庸另議更置

至近年陣亡官兵。已經工部成做牌位。尚未入祀者。以查辦苗匪教匪為始。即行遵照新奉諭旨。分發各省歸於本人原籍府城從祀。此外應行從祀官兵。工部尚未製辦牌位者。應歸外省辦理。如同府兵丁。人數衆多。則相度祠屋之寬狹。酌量人數之多寡。或百人。或數十人。合一牌位。鐫刻名姓。設於龕案致祭。其祭品等項。應請於建曠項下動用。年終報部覈銷。奉  
上諭。官兵等效命疆場。損軀殉節。國家報祀之典。原以風勵臣民。俾知觀感。所有在各該原籍地方。擇地致祭之處。若僅將四品以下文職。三品以下武職。及兵丁鄉勇等。歸於原籍致祭。其職分較大各員。因設位京師。不復於原籍設祀。恐鄉愚等不諳例議。妄謂同一陣亡。而微末弁員。尚邀入祀。其官階較崇者。轉不獲與。未免滋疑。國家辦理章程。豈能一一家喻戶曉。朕意各省文職三品以上。武職二品以上。大員。照大學士等所議。在於京師入祠致祭外。其原籍地方。

勿著一體設位致祭。不特忠魂咸依故土。亦使其鄉閭親屬。共見共聞。益知國家誼美恩明。倍生激勸。至牌位鐫刻名姓。若不酌定人數。則辦理紛歧。亦於體制未協。嗣後著以五十八合一牌位。設龕致祭。以昭畫一。此係國家酬庸懋典。各該省惟應實力經理。迅速奉行。不可稍有延擱。該督撫於奉到諭旨後。著即照現定章程。妥為籌辦。將省城及各外府如何辦理之處。每一處辦竣。即先行詳細造冊。陸續報部查覈。仍俟該省統行辦竣後。具摺奏聞。倘地方官吏視為具文。任情延緩。或辦理未能妥協。著各督撫查明參辦。如該督撫籌辦不力。任聽屬員等託故稽遲。亦著該部據實參奏。將此通諭各省知之。

一入祠官兵行文兵部查明籍貫事蹟移交翰

林院立傳

一入祠牌位。行文工部製造。由翰林院繕寫字樣。工竣知會禮部。劄欽天監選擇吉期。交太常寺送祠安設。

一八旗世襲官員。有絕嗣者。由該旗報部。原立官准其入祠。仍移取原奉

勅書。開寫清漢送翰林院立傳。其製造牌位。擇吉安設事宜。均照例行。

儀注

祭日太常寺官入祠供具。前正室七案。中案羊

一。豕一。左三案共羊一。豕一。右如之。每案帛一

。果實五盤。爵三。中左右各香案一。鑪一。盞二。兩

配室各五案。東西各羊一。豕一。帛爵果品與正

室同。後正室五案。共羊一。豕一。左右室各三案。

東西各羊一。豕一。帛爵果品與前室同。每室統

香案一。鑪燈具。前室兩序兩廡。後室左右配房。

東西羣房八處。祔祀兵丁共設三十六案。每案

果實二盤。豕肉一盤。爵三。鑪燈具。前室中設一

案。少東北向供祝版。太常寺典儀立東檐下。司

祝立祝案東。司香司帛司爵各以其職爲位。掌燎率燎人立燎鑪前。質明承祭官暨分獻官。蟒袍補服詣祠贊禮郎引承祭官由中門入。至東階下盥手畢。升階就拜位前立。引後室承祭官各於中檻外序立。引前配室及兩序兩廡各分獻官於甬道上東西序立。鴻臚寺官引陪祀宗室王公大臣官弁後裔現任一品二品者於階上東西。三品以下五品以上於階東西。六品以下及有職者在大門內階下東西按班序立。前

後殿承祭官及分獻官陪祀官行禮儀節均與祭賢良祠同。

欽定禮部則例卷一百三十二

祠祭清吏司

壇廟祈報

一 祈求雨澤致祭於

天神

地祇

太歲三壇雨足行報祀禮如既祭七日未雨或雨未

霑足再於

三壇祈禱屢禱不雨乃請

欽定禮部則例

卷一百三十二

祠祭清吏司

一

旨致祭

社稷壇至舉行

大雩奉

特旨舉行

一奉

旨祈雨行欽天監擇日由部奏請祈於

天神

地祇

太歲三壇同日行禮移取親王郡王及內閣各部院

一品堂官職名

現行例惟開列親王郡王衛名奏請

欽派承祭得

旨行翰林院撰擬祝文行各衙門應行陪祀官員前

期一日於公所齋宿屆日分詣

三壇將事太常寺各派官贊引

一奉

旨致祭

三壇祈雪一應事宜與祈雨同

謹按嘉慶十二年十月奉

年京師自入冬以來尚未得雪農田待澤甚殷朕無日不齋心默禱上月二十五日

次定豐

三祠祭清吏司

二



丘大祀時又經虔祈 吳况現在已將匝

月屢次同雲密布而祥霽未降渥澤尚稽自應

蠲吉祈禱著於本月二十六日特舉 三壇

祈雪祀典派儀親王永璇詣 天神壇成親

王永理詣 地祇壇慶郡王永璘詣 太

歲壇虔誠祈禱先期於二十五日齋戒所有各

衙門文武官員除二十六日奏事應行進內者

毋庸齋戒外其餘並應一體齋宿分詣行禮

又奉 上諭昨因京師入冬後雪澤愆期已

降旨擇於二十六日派儀親王等分詣 三

壇虔禱因思向來祈雨服色例俱穿元青褂行

禮此次祈雪正值 禘祭齋戒且祈雪與

祈雨究稍有間所有派詣 三壇承祀陪祀

王大臣官員等是日行禮時均著穿天青褂不

挂朝珠禮畢後仍用常服○十三年正月奉

上諭前因京師人冬以來未經得雪農田待

澤孔殷朕齋心默禱並特舉 三壇祀典於

十二月二十六日派儀親王永璇等祇肅祈求

荷蒙 吳蒼眷佑屢次同雲密布有飄灑祥

霽茲本月初九日酉時起雪澤醴敷至初十日

丑時積地四寸麥田大資霑潤可冀豐收此實

仰賴 鴻貺優施欣慶之餘彌深寅感仍

派儀親王永璇成親王永理慶郡王永璘於十

三日齋戒俟十四日朕恭祀 祈年殿禮

成後照前分詣 三壇虔誠祀謝

一奉

旨親詣

天神壇祈雨行欽天監擇吉由部具奏儀注由太常

寺恭進祝文由翰林院撰擬祭日禮部堂官侍

儀請

儀請

神牌時禮部堂官上香行禮。

派出承祭

地祇壇

太歲壇各員仍同時行禮。

謹按嘉慶十六年四月奉  
上諭京師上年冬間

得雪本少。自交春令後雨澤復稀。農田甚殷。望  
澤。前經降旨。在黑龍潭山高水長二處設壇。

派阿哥等分班祈禱。迨十六日復派二阿哥儀  
親王成親王祈祀。三壇又逾數日間得微

雨。飄灑。不成分寸。屢見重陰。布蔭。而風勢時作  
未能釀需甘膏。現在麥秋已逾。正當大田布種  
之候。殊深殷盼。敬思嘉慶二年間曾因雨澤缺  
少。朕蒙 皇考高宗純皇帝諭派親祭

天神壇。其 地祇壇派儀親王。太歲  
壇派成親王各分祭。朕寅承 慈命齋宿

虔祈。幸荷 昊貺。鴻施甘霖。立霽回宮。之  
頃。澍澤滂沱。溯憶猶增欽感。本年時雨久稽。自

當祇遵 成憲。茲朕於本月二十四日親  
祀 天神壇。虔申叩禱。先期於二十三日進

宮齋戒。其 地祇壇派二阿哥。太歲壇  
派三阿哥。著於二十三日隨朕進宮。在尚書房

齋戒。次日隨朕詣 壇叩禱。所有 三壇  
祝文著仍撰一篇。派員同時跪祝。用申祇告。○

五月 皇上再行親祀 天神壇。其  
地祇壇仍派二阿哥行禮。太歲壇仍派三

阿哥行禮。○十八年四月 皇上親詣  
天神壇祈禱。地祇壇派二阿哥。太歲

壇派三阿哥。同時分詣行禮。○二十二年五月  
皇上親撰祝文。詣 天神壇祈禱。派儀

親王恭祭 地祇壇。成親王恭祭 太歲  
壇。○二十三年四月 皇上親撰祝文。詣

天神壇祈禱。派儀親王恭祭 地祇壇。成  
親王恭祭 太歲壇。○二十四年閏四月

次定禮部刊列

卷五十三 祠祭清吏司

四

皇上親製祝文詣天神壇祈禱。派儀親王恭祀地祇壇。成親王恭祀太歲壇。

一奉

旨祈禱

社稷壇禮部劄行欽天監擇吉奏請

親詣行禮。其行禮儀注交太常寺恭進。祝文由翰林

院撰擬陪祀齋戒照

大祀例辦理

舊例祈禱祭謹按嘉慶五年奉

社稷壇係奏派親王承

上諭嗣後初次

三壇祈雨仍奏請遣官至恭祭

社稷壇該

部即奏請親詣行禮照大祀例齋戒三日著為令

一奉

旨行

大雩禮擇日奏請交太常寺奏

派親王分詣

方澤行禮及

園丘從壇分獻祭前一日祇告

太廟祭告祝文翰林院撰擬

一祈雨

郊壇用牲牢

社稷以下俱用脯醢無牲俱交太常寺備辦

一祈雨承祭官及陪祀官各雨纓素服謹按嘉慶十八

年五月奉 上諭本年天時亢旱節候已過芒種大田多未播種屢禱 三壇甘霖未霑

朕心兢惕宵旰靡寧擇於十四日親詣社稷壇虔申祈禱十一日先期進宮齋戒之日

戴緯帽穿常服不掛朝珠閱祝版時有執事人員戴雨纓帽穿青褂禮畢仍衣齋戒服色所有

應行典禮著各該衙門即照例敬謹豫備嗣後如直此齋戒期內有應穿補褂之日並著改穿

常服以紓誠敬○二十二年五月 皇上親詣 天神壇祈禱前一日及祭日陪祀及不

陪祀一應執事當差之王公文武大臣官員兵丁人等俱戴雨纓帽穿青褂二十三年四月齋

戒及祭日俱戴雨纓帽穿青褂祭畢更換常服二十四年閏四月齋戒及祭日俱戴雨纓帽穿

青褂均係奉 特旨遵行

一祈禱

郊壇

社稷前期三日及祭日

天神

地祇

太歲三壇前一日及祭日均致齋禁止屠宰豫行出

示署前及九門並行都察院轉飭五城順天府

轉飭大興宛平兩縣兩翼飭各旗遵照並知照

內閣刑部謹按乾隆五十七年四月奉 上諭嗣後凡遇祈禱雨澤之前一日

及祭日。此二日所有刑部應請立決之本。著停止進呈。以肅感孚而昭誠敬。著為令。

一齋戒日。及祈禱日。飭僧錄道錄司率僧道眾

詣

顯佑宮。

東嶽廟。

城隍廟。

三官廟。

關帝廟誦經以司員分詣稽察

一雨足。凡祈禱各

壇擇日奏請行報祀禮。均用牲牢。

園丘。

方澤

遣親王各一人分詣行禮。

社稷壇。

遣親王一人行禮。如奉

旨親詣報祀儀注由太常寺恭進。

向例奉

特旨

社稷壇得雨。遣官報祀。謹按嘉慶五年。社稷壇祈雨得雨。仍

詣報祀。

次定禮部則例

卷一百三十三 祠祭清吏司

神祇等壇卽以原

派出承祭之官分往報祀如

親詣

天神壇報祀其承祭

地祇壇

太歲壇各員仍奉

旨遵行祝文均交翰林院撰擬執事陪祀各官朝服

其各衙門齋戒大臣官員分派陪祀

社稷壇照大祀常例

神祇三壇照中祀常例行

謹按嘉慶十六年 皇  
上親詣 天神壇祈雨

得雨仍

親詣報祀

○二十二年二十三年

二十四年

皇上親詣

天神壇祈雨得

雨仍

親詣報祀並

親

撰祝文均奉

特旨遵行

一得雨後各

壇均行報祀未祈不報祀若致齋未祈而雨毋庸致

祈仍奏請報祀得

旨行太常寺各衙門遵行事宜與前例同

謹按嘉慶  
十年六月

奉

上諭昨因節屆初伏農田時雨未霑朕  
心殷厪特派儀親王成親王慶郡王永璘分詣

三壇虔祈膏澤乃甫經降旨之後禮部欽

天監尙未奏上行禮吉日卽蒙

吳慈

神鑒於十八日戌刻起大沛甘霖入土深透至本日午刻勢尚未已雲陰廣潤畿輔田畝自必一律優霑禾苗日見芃茂欣慰之下感暢倍增著禮部欽天監選擇吉日仍派儀親王成親王慶郡王永璘分詣三壇虔誠祀謝○十六年二月奉 上諭昨據禮部奏於二十日致祭 三壇禱雨明日甫屆齋戒之期仰蒙神貺於昨日戌刻先降雪澤計已六寸有餘現尚飄灑未止麥田沐潤無異渥被甘霖朕心深為忻感卽著於二十日度申報謝並著原派之二阿哥慶郡王永璘榮郡王綿億敬謹行禮

一祈雨時如遇

壇廟祭祀正值齋戒之期卽奏請暫停祈禱既祭得雨一體報祀若尚未霑足仍奏請於

神祇三壇祈禱並飭僧道官於

顯佑宮等五廟誦經

一未及

常雩奉

旨祈雨奏請於

關帝廟

城隍廟等廟祈禱雨足報祀

一久雨祈晴先伐鼓祭於城門雨仍不止乃祭於

社伐鼓用牲不致祭各壇五廟不誦經餘與祈雨例同

如奉

旨親詣

社稷壇祈晴及晴霽奉

旨親詣

社稷壇謝晴儀注由太常寺恭進進祝文翰林院撰擬陪

祀齋戒照

大祀例辦理

謹按嘉慶六年六月六日奉

上諭京師自

尚未晴霽永定河漫溢成災積滂未退朕宵旰焦思倍增悚懼稽之會品祇有親詣

稷壇祈雨之禮祈晴未有

明文但水旱同一災祈以逆時暘而消盛

漲謹擇於本月二十六日

親詣社稷壇

祈晴先期於二十二日進

宮二十三日致齋

三日所有一切典禮著禮

部太常寺敬謹豫備

○二十六日奉

上諭

圓明園進宮齋戒祈晴是

日雨勢微細旋即霽

止二十三四等日雲氣漸

散昨日業已放晴今

早朕親詣社稷壇

禮成天光開霽日色

暢晴此皆仰賴

神庥默垂

鑒佑欣感之餘倍深兢惕

向來求雨有謝降之

禮因思祈晴事同一體亦

應虔誠叩謝本月二

十七至二十九日孟秋時

享齋戒次月初一日

欽定禮部則例

卷百三十一

祠祭禮

奇

二日親赴社稷壇著照祈晴典禮該衙門敬常服今行謝晴之禮服色龍袍龍褂其陪祀王公大臣及執事各員俱著



穿蟒袍補褂並著該衙門  
謝晴典禮儀注一併載入  
儀注  
會典

祈求雨澤祇告

天神壇祀日五鼓太常寺卿率  
屬設四案於壇中每

案陳鹿脯鹿醢果實五盤  
其前各設香案一陳

鑪一。鐙二。設案一於南少  
西供祝版又東西各

設一案陳禮神制帛四書  
黑黃白各一。報祀於

前增設俎一左案  
東旁增設饌桌一香盤四  
尊四。虛爵十有二。凡

帛具篚尊實酒。疏布幕。具  
設洗於階下之東

設燎鑪於內壇南左門外樂部設樂懸樂舞於

階下之南日出前二刻承祭官並宗人府內閣

吏部吏科都察院通政司詹事府步軍統領光

祿寺鑲黃旗滿洲蒙古漢軍。白旗滿洲蒙古

漢軍鑲藍旗滿洲正藍旗滿洲各衙門官均陪

祀禮部堂官率屬將事陪祀官暨執事官咸素

服雨纓詣壇承祭官位南階下正中陪祀官位

內壇南門外東西各五班均北面太常寺司祝

一員立祝案之西東面司香司帛司爵各二員

立東案東西面司香司帛司爵各二員立西案  
 西東面典儀一員立東階下西面司樂協律郎  
 樂工歌工舞佾依樂懸序立糾儀御史禮部司  
 官各四員鴻臚寺官二員分立於承祭陪祀官  
 拜位左右均東西面掌燎官率燎人立於燎鑪  
 之東南隅屆時司祝豫安祝版於案太常寺卿  
 詣

神庫上香行禮太常寺官屬詣各

神位前跪三叩興奉請

神牌入壇恭設於右座內

雲師左

雨師右

風伯次左

雷師次右安設訖跪叩如初退贊禮郎引承祭官自  
 外壇南左門入內壇南左門贊盥洗承祭官盥  
 洗畢引詣階下鴻臚寺序班引陪祀官至內壇  
 南門外典儀贊樂舞生就位執事官各司其事  
 贊禮郎贊就位承祭官暨陪祀官成就拜位立

典儀贊迎

神司香捧香盤進唱樂官唱迎

神樂奏祈豐之章樂作贊禮郎贊升壇引承祭官升

東階詣

雲師香案前立贊跪承祭官跪贊上香司香跪捧香

承祭官上炷香三上瓣香興次詣

雨師

風伯

雷師位前上香儀俱與

雲師位前上香儀同贊復位引承祭官降階復位贊

跪叩興承祭官暨陪祀官行三跪九叩禮樂止

典儀贊奠帛爵行初獻禮捧帛官捧爵官各捧

帛爵詣前向上立司樂唱初獻樂奏華豐之章

樂作捧帛官跪奠帛於案正中三叩退捧爵官

跪獻於爵塾正中退讀祝官就祝案前一跪三

叩興捧祝版至案東北角先跪樂暫止贊禮郎

贊跪承祭官暨陪祀官皆跪典儀贊讀祝司祝

讀祝畢興以祝版跪安於帛篚內三叩退樂作

贊禮郎贊叩興承祭官暨陪祀官行三叩禮興樂止典儀贊行亞獻禮司爵官捧爵詣前向上立司樂唱亞獻樂奏興豐之章樂作司爵官跪獻爵於爵墊左退樂止典儀贊行終獻禮司爵官捧爵詣前向上立司樂唱終獻樂奏儀豐之章樂作司爵官跪獻爵於爵墊右退樂止報祀典儀贊徹饌司樂唱徹饌樂奏和豐之章樂作有司徹饌畢樂止典儀贊送

神司樂唱送

神樂奏錫豐之章樂作贊禮郎贊跪叩興承祭官暨

陪祀官均行三跪九叩禮興樂止典儀贊捧祝

帛恭送燎位

報祀贊捧祝帛饌恭送燎位

司祝跪捧祝司帛

跪捧篚三叩興司香跪捧香興以次恭送燎所

承祭官避立拜位東俟祝帛過復位典儀贊望

燎鴻臚寺官引陪祀官退贊禮郎引承祭官出

內壝南左門望燎禮畢仍由外壝南左門出太

常寺卿恭請

神位還

御如奉請儀得雨霑足諏日報祀前期承祭官致祭

太常寺卿具祝版潔壇壝如初。祀日五鼓。太常寺卿率屬入壇詣

天神位各案前。陳帛一。爵三。登一。鉶一。簋二。籩二。籩十。豆十。鑪一。鐙二。共牛一。羊一。豕一。樂部陳樂懸樂舞於階下之南東西分列各依其次。太常寺陳祝帛香尊爵俱如儀。承祭官及陪祀執事各官班位均與祇告禮同。陳設畢。太常寺博士引禮部堂官一員升壇省視。牲宰盥盛之屬均如儀。質明。太常寺官恭請

雲師。

雨師。

風伯。

雷師神位入壇。奉安石座內。承祭官暨陪祀執事各官朝服就位迎。

神初獻讀祝。亞獻三獻徹饌送。

神祝燎行禮儀節及樂章樂舞均與祇告禮同。

惟增饌盤

送燎

地祇壇七案。每案陳脯醢果實之屬。分陳爵六十。實

次定禮部則例

卷一百三十三

祠祭清吏司

二五

酒其前各設香案一。皆鑪一。盞二。報祀於籩豆案前增設俎

一。中案西旁增設饌桌一。前設一案。少西供祝版。東設一案。

陳尊四。實酒。虛爵十有二。西設一案。陳尊三。實

酒。虛爵九。又東設接案一。陳禮神制帛十有六。

西設接案一。陳禮神制帛十有一。

五嶽。

五鎮皆青黃赤白黑各一。

五陵山各白帛一。

四海青赤白黑各一。

四瀆各黑帛一。

京畿名山大川白帛一。黑帛一。

天下名山大川白帛一。黑帛一。設洗於階下之西。

為壝坎於內壝北右門外。樂部設樂懸樂舞於

階下之北。均南向。承祭官位北階下。戶部戶科

禮科。兵部兵科。翰林院。國子監。鑾儀衛。中書科

正黃旗滿洲蒙古漢軍鑲紅旗滿洲蒙古漢軍

鑲藍旗蒙古正藍旗蒙古各衙門官均陪祀禮

部堂官率屬將事各陪祀官位內壝北門外均

南面太常寺司祝一員立祝案西東面司香司帛司爵各四員立東尊案之東西面司香司帛司爵各三員立西尊案之西東面典儀一員立西階下東面司樂協律郎樂工歌工舞佾依樂懸序立糾儀御史禮部司官各四員鴻臚寺官二員分立於承祭官陪祀官拜位左右掌瘞官率瘞人立瘞坎西北隅屆時司祝豫設祝版於案太常寺卿詣神庫上香行禮太常寺官屬詣各

神位前行禮奉請

神牌入壇恭設石座內

五嶽居中

五鎮右

五陵山左

四海次右

四瀆次左均北向

京畿名山大川東位西向

天下名山大川西位東向安設訖跪叩如初退贊

次定禮部刑部

送直上

祠祭清吏司

十七

禮郎引承祭官自外壇南右門入循壇東入內壇北右門盥洗上香初獻讀祝亞獻三獻作樂行禮得雨報祀均與

天神壇同惟送燎望燎改送瘞望瘞。

太歲壇神位前陳設脯醢果實之屬鑪鐙尊爵如儀

供祝版一。陳禮神制帛白一。凡帛實篚尊實酒

疏布幕勺具設洗於階下之東設樂懸樂舞於

殿上報祀增設俎一。饌桌一。承祭官位階下刑部刑科工

部工科理藩院欽天監大理寺太僕寺鴻臚寺

順天府正白旗滿洲蒙古漢軍正紅旗滿洲蒙

古漢軍鑲藍旗漢軍正藍旗漢軍各衙門官均

陪祀禮部堂官率屬將事陪祀官位庭中左右

執事官司樂樂工歌工舞佾各以序立糾儀御

史四員禮部司官四員分立承祭官陪祀官左

右。上香初獻亞獻三獻行禮均與

天神壇同樂章迎

神奏需豐之章初獻奏宜豐之章亞獻奏晉豐之章

終獻奏協豐之章報祀典儀贊徹饌司樂唱徹饌樂奏應豐之章樂作有司



徹饌畢。送樂止。

神奏洽豐之章得雨報祀與

天神

地祇壇報祀禮同。○若奉

旨親詣

天神壇祈禱。祀日五鼓。太常寺卿率屬潔器陳備脯

醢果實設祝版。陳樂懸樂舞如儀。禮部堂官詣

神庫上香行禮。太常寺官奉請

神牌至壇上。以序安奉於幄次。設

御拜位於壇上正中。陪祀暨執事各官咸雨纓帽青

褂依序立。屆時太常寺堂官赴

乾清門奏請

皇帝戴雨纓冠。御元青褂。乘輿出宮。至

壇。太常寺官二員恭導

皇帝至

神祇門外降輿。報祀時在內層門甬路西邊降輿。贊引官對引官

恭導

皇帝由

神祇門中門入。至盥手處盥手畢。由內墻南門中門入。升壇。至拜褥前立。典儀官唱樂舞生就位。執事官各司其事。贊引官奏就位。恭導。

皇帝陞拜褥上立。典儀官唱迎。

神司香官恭捧香盒就前向上立。唱樂官唱迎。

神樂奏祈豐之章。樂作。贊引官奏詣上香位。恭導。

皇帝詣

雲師香案前立。贊引官奏上香。

皇帝立舉柱香安香靠內。次三上。瓣香畢。贊引官恭

導。

皇帝詣

兩師

風伯

雷神位前上香儀俱與

雲師位前上香儀同。贊引官奏旋位。恭導。

皇帝旋位立。贊引官奏跪拜興。

皇帝行二跪六拜禮。興。樂止。典儀官唱奠帛爵。行初

獻禮。捧帛官捧帛。篚捧爵官捧爵。就前向上立。

金定禮音具位  
卷三十三  
三  
唱樂官唱初獻樂奏華豐之章樂作捧帛官跪  
獻三叩退捧爵官跪獻於正中退讀祝官就祝  
案前行一跪三叩禮捧祝文於案東北角豫跪  
樂止贊引官奏跪。

皇帝跪贊讀祝讀祝官讀祝畢恭捧祝文至

神位前跪安於帛筐內三叩退樂作贊引官奏拜與  
皇帝行三拜禮興樂止典儀官唱行亞獻禮獻爵官  
捧爵就前向上立唱樂官唱亞獻樂奏興豐之  
章樂作獻爵官跪獻於左退樂止典儀官唱行

終獻禮獻爵官捧爵就前向上立唱樂官唱終

獻樂奏儀豐之章樂作獻爵官跪獻於右退樂

止報祀典儀官贊徹饌唱樂官唱徹饌樂奏和豐之章樂作有司徹饌畢樂止典儀

官唱送。

神唱樂官唱送。

神樂奏錫豐之章樂作贊引官奏跪拜興。

皇帝行二跪六拜禮興樂止典儀官唱捧祝帛報祀唱捧

祝帛恭送燎位捧祝帛香官就各案前跪捧祝

帛官三叩捧香官不叩報祀捧饌各依次送往

燎鑪時贊引官恭導。

皇帝轉立東旁。布拜褥官跪起拜褥。俟祝帛香過畢。

布拜褥官仍跪布拜褥。退贊引官恭導。

皇帝旋位立贊引官奏禮畢。同對引官恭導。

皇帝至降輿處升輿還宮。謹按嘉慶二十四年閏四月。鑾儀使宗室禧恩面奉

諭旨。嗣後遇恭祀

天神壇祈雨仍在

三座門外降輿步入禮成後仍在降輿處升輿

還宮。若遇天神壇祈雨乘輿進三座門在

內層門外甬路西邊鋪設櫻薦處降輿禮成後

即在原處升輿出三座門著為令。○若奉

旨親詣

社稷壇祈禱前期致齋。

閱祝版。

御常服。祀前一日。太常寺潔器陳備脯醢果實。屆日

五鼓恭設

神位並配位薦玉帛陳樂懸樂舞。陪祀執事官咸雨冠

素服。依次序位。如常祀儀。至時。太常寺卿詣

乾清門奏時

皇帝。兩纓冠素服乘輿出宮。不設鹵簿。不陳樂導從

翊衛兩纓素服隨從。不陪祀官。常服迎送

皇帝由金水橋北降輿不乘輦步行至

壇迎

神奏延豐之章奠玉帛初獻奏介豐之章亞獻奏滋豐之章終獻奏需豐之章徹饌奏綏豐之章送

神奏貽豐之章望瘞奏溥豐之章不飲福受胙其上行禮望瘞各儀節均與常祀同得雨

遣官報祀用牲牢與春秋常祀同如奉旨親詣

社稷壇報祀

皇帝由金水橋北降輿步行至

壇行禮所用樂章與祈雨同餘儀均與常祭同謹按嘉慶五年

皇上親詣 社稷壇祈雨仍親詣報祀奉旨太常寺等衙門具奏

社稷壇恭謝雨澤請照春秋祭祀儀注舉行會詢之該寺堂官據稱親詣 社稷壇祈雨

舊儀注係由金水橋北步行前往至報祀向係遣官行禮並無親詣儀注是以此次循照春秋親祭常例乘輿至 社稷壇北門外鋪設

櫻薦處降輿等語但思祈求雨澤既經步行祈禱若報祀之禮稍有不同轉似得有雨澤畧涉滿假朕何敢出此况朕從前隨侍 皇考

往黑龍潭求雨 皇考至山門降輿陞階數十級俱係步行而上報祀儀亦同節年從無更改試思 龍神尚如此申敬况 社稷壇典禮尤隆既經步禱自應步謝方足以申

誠敬嗣後除春秋祭祀仍照舊定儀注舉行外如遇祈禱雨澤及親詣報祀各典禮均步步行前往所有此次儀注著太常寺遵照○奉改定具奏並載入會典永遠遵行○奉

特旨行

大雩禮祀前一日太常寺奏請。

遣官祇告

太廟如儀是日

皇帝御常服乘輿詣

齋宮。

午門鳴鐘不陪祀王公百官常服跪送不乘輿不

設鹵簿不作樂前引後扈大臣侍衛咸常服導

從。

駕至

壇由西門入至

昭亨門降輿

謹按乾隆三十五年奉

上諭

昭亨門外降輦步入第步履遙遠當質明從事轉恐失儀嗣後應改由廣利門入於向時祭畢乘

輦處贊引對引官恭導。

皇帝降壇。

閱視

次定禮部刊列

卷二百三十一 祠祭清吏司

一百

壇位。上香行禮畢。引由。

御路出乘輿詣

齋宮齋宿。陪祀王公常服集

齋宮門外。祇迎祀日。

皇帝率羣臣雨冠素服恭行雩禮。自

齋宮步禱於

園丘設

皇天上帝神座於第一成。南向。不安設

配位設

四從神位。於第二成。東西向。三獻禮終。司樂協律郎

率舞童十有六人。衣元衣執羽翳。進至第一成

階上。分爲八列。贊引官奏跪。

皇帝跪。羣臣皆跪。舞童乃舞。皇舞按節歌。

御製雲漢之詩歌畢。協律郎引皇舞退。贊引官奏拜興

皇帝。行三拜禮。羣臣皆隨行禮。徹饌送。

神望燎如。

常雩儀。惟不飲福受胙。其餘樂舞樂章。及牲帛器數。並

與

常雩禮同

皇帝行禮儀節及執事陪祀拜位與

園丘大祀禮同祀畢。

皇帝乘輿還宮不作樂不陪祀官仍於

午門外跪迎如前儀得雨擇吉報祀。

遣官朝服行禮如常儀。○奉

旨親詣。

社稷壇行祈晴禮前期致齋三日祭日不用牲牢。

皇帝御常服掛朝珠由壇北門東門入不陪祀官迎

送如儀其迎

神二獻送。

神望瘞各儀節與常祀同晴霽奉

旨親詣

社稷壇行謝晴禮祭用牲牢是日

皇帝具龍袍龍褂陪祀王公大臣執事各員俱蟒袍

補褂餘儀與祈晴同。

謹按嘉慶六年祈晴謝晴俱未用樂章。○十二年五月

月奉。上諭向來祈雨報雨本無樂章。道乾隆十八年始行增設。至祈晴報晴本不時有嘉慶六年曾因雨水稍多舉行此禮。彼時未經議設樂章。因念雨暘祈報民瘼攸關典禮自宜畫



一所有祈晴報晴應行增設樂章之處著樂部  
 太常寺查明交翰林院妥議進呈候朕閱定交  
 太常寺載入則例永遠遵行。○是年翰林院遵  
 旨奏定增撰  
 樂章樂章皆以和為名迎  
 奠玉帛初獻奏兆和之章亞獻奏布和之章終  
 獻奏協和之章徹饌奏雍和之章送  
 神奏豐和之章望痊奏成和之章

欽定禮部則例卷一百三十三

祠祭清吏司

告祭

嶽鎮海瀆各省陵寢

一凡因事祇告

嶽鎮海瀆及

前代帝王陵寢

先師闕里奏請

遣官致祭豫期恭辦如儀

次定禮部則例

卷三十三

祠祭清吏司



一祭告

嶽鎮海瀆

前代帝王陵寢

先師闕里禮部開列侍郎以下四品以上堂官職名

題請

欽派六員分往六路致祭如

欽派官員內有奉

特旨簡放外差者另行開列奏請

欽派如致祭未畢遇有事故者奏請

勅下該省督撫於副都統總兵內擬派就近致祭

畢報部

謹按嘉慶十四年奉國告祭回京詢知望祭元太祖元世祖

上諭昨梁上

係在德勝門外應令軍機大臣查始自何年茲據查皇朝文獻通考內載順治八年致祭歷代帝王典禮有望祭元太祖元世祖陵在宛平縣北之語順治八年初議致祭歷代帝王典禮其時尙未有暢春園圓明園是以遇有典禮即在德勝門外望北舉行祭禮此時若仍行照舊則望祭地方轉在御園之南於體制殊覺未協嗣後遇有慶典應致祭元太祖元世祖時著於清河以北昌平州以南仍係宛平縣所轄界內擇地舉行望祭禮著為令○二十三年正藍旗蒙古副都統一等延恩侯朱毓瑞面奉諭旨明歲遣官致祭五嶽四瀆歷代帝王陵寢奏派時朱毓瑞銜名亦著開列○二十四年奉旨明太祖陵著派朱毓瑞前往致祭

一奉

旨致祭

雲神

雨神

風神

雷神

火神於

京師

勅建之各本廟致祭。交欽天監擇吉。祝版祭品香帛

交太常寺備辦

祭品香帛照祀致祭

南郊大壇之例

祭

文交翰林院撰擬

一

遣官由禮部將各部院尚書侍郎及左都御史左副

都御史另行奏請

欽派五員致祭

謹按乾隆五十年

旨致祭風雨雷火又奉

恩詔奉

旨雲神舊有專祀著一體遣官致祭

一祭

長白山神

禮部則例

卷之三

祠祭清吏司

三

松花江神於吉林烏拉祭

北海神廟於山海關祭

北鎮醫巫閭於錦州府廣寧縣

遼太祖陵亦於廣寧五處共

遣官一員先祭

長白山

松花江次祭

北鎮

遼太祖陵

北海神廟

一祭

西嶽華山於陝西同州府華陰縣

西鎮吳山於陝西鳳翔府隴州

江瀆於四川成都府

黃帝軒轅氏陵於陝西延安府中部縣

周文王陵武王陵成王陵康王陵俱於陝西西安府

咸陽縣

漢高祖陵於陝西西安府涇陽縣

文帝陵於陝西西安府咸寧縣。

宣帝陵於陝西西安府長安縣。

後魏孝文帝陵於陝西西安府富平縣。

唐高祖陵於陝西西安府三原縣。

太宗陵於陝西西安府醴泉縣。

憲宗陵於陝西同州府蒲城縣。

宣宗陵於陝西西安府涇陽縣十六處共

遣官一員。

一祭

東嶽泰山於山東泰安府。

東鎮沂山於山東沂州府。

東海於山東萊州府。

南鎮會稽

夏禹王陵俱於浙江紹興府。

少昊金天氏陵

闕里俱於山東兗州府曲阜縣。

帝堯陶唐氏陵於山東曹州府濮州。

明太祖陵於江蘇江寧府九處共

次定豐邱則例

卷三十三

祠祭清吏司

五

遣官一員。

一祭

中嶽嵩山於河南河南府登封縣。

南嶽衡山於湖南衡州府衡山縣。

淮瀆於河南南陽府唐縣。

濟瀆於河南懷慶府濟源縣。

太昊伏羲氏陵於河南陳州府淮寧縣。

商高宗陵於河南陳州府西華縣。

周世宗陵於河南開封府鄭州。

顓頊高陽氏陵帝嚳高辛氏陵俱於河南衛輝府滑

縣。

炎帝神農氏陵於湖南衡州府鄱縣。

帝舜有虞氏陵於湖南永州府寧遠縣。

商中宗陵於河南彰德府內黃縣。

漢光武陵於河南河南府孟津縣。

宋太祖陵太宗陵真宗陵仁宗陵俱於河南河南府

鞏縣十七處共

遣官一員。

一祭

南海於廣東廣州府番禺縣。

遣官一員

一祭

北嶽恒山於山西大同府渾源州。

中鎮霍山於山西霍州。

河瀆於山西蒲州府永濟縣望祭。

西海亦於山西蒲州府永濟縣。

女媧氏陵於山西霍州趙城縣。

商湯王陵於山西蒲州府榮河縣。

金太祖陵世宗陵俱於順天府房山縣。

明宣宗陵孝宗陵俱於順天府昌平州起輦谷。

元太祖陵世祖陵亦望祭於順天府十二處共

遣官一員

謹按乾隆四十年禮部議准大理寺卿尹嘉銓奏停止致祭明世宗陵。

欽命告祭官員起程。欽天監擇日告祭官前一日齋

戒屆期赴部禮部堂官將致祭香帛祭文交與

各該員並於禮部太常寺筆帖式內酌派各一

次官豐郭州例

祠祭清吏司

員齋送其致祭日期會同地方官臨時選擇  
一祭文香帛如奉

旨親閱禮部恭進儀注知會告祭官屆日咸集豫行  
工部取龍亭香亭各一座。

御仗一對行鑾儀衛派校尉二十名并委官帶領  
於前一日赴部行步軍統領及  
景運門護軍統領屆日開龍亭所過  
各中門行工部備黃案三張陳設於  
中和殿內

一祭文翰林院撰擬祭帛六十端太常寺豫備  
紫降香六十炷沉速香六十包包裹黃紙及黃  
綾黃布戶部豫備寫祭文白綾紙帛匣罩襪盛  
祭文筒油單各六十分工部豫備禮部行文咨  
取其告祭官應用黃緞一  
御仗二龍旗二牌二由工部備本官自行移取  
一致祭品物地方官備禮部行文該處總督巡  
撫及

盛京禮部吉林將軍查照並鈔錄儀注遵行。



員齋送其致祭日期會同地方官臨時選擇  
一祭文香帛如奉

旨親閱禮部恭進儀注知會告祭官屆日咸集豫行  
工部取龍亭香亭各一座。

御仗一對行鑾儀衛派校尉二十名并委官帶領  
於前一日赴部行步軍統領及  
景運門護軍統領屆日開龍亭所過  
各中門行工部備黃案三張陳設於

中和殿內

一祭文翰林院撰擬祭帛六十端太常寺豫備  
紫降香六十炷沉速香六十包包裹黃紙及黃  
綾黃布戶部豫備寫祭文白綾紙帛匣罩襪盛  
祭文筒油單各六十分工部豫備禮部行文咨  
取其告祭官應用黃緞一

御仗二龍旗二牌二由工部備本官自行移取  
一致祭品物地方官備禮部行文該處總督巡  
撫及

盛京禮部吉林將軍查照並鈔錄儀注遵行。

儀注

告祭

嶽鎮海瀆

前代帝王陵寢如

親閱香帛

皇帝散齋一日告祭官各齋於所次鴻臚寺官豫設案於

中和殿正中一左右各一禮部祠祭司官豫將祭文香帛分別封題屆日告祭官公服會於禮部

禮部官恭捧祝文香帛設龍亭內校尉昇亭行導以

御仗香亭在前龍亭在後進

大清門中門至

午門前亭止禮部祠祭司官公服詣龍亭前跪三

叩恭捧祝文香帛由

午門左門

昭德門至

中和殿由中門入陳祭文於正中黃案陳帛左案

金定元音具位  
陳香右案畢。跪叩如初。由

殿左門出。退立階下。直班記注官四員。序立於

殿西檐下。導

駕太常寺卿二員。序立於

殿北門。禮部堂官二員。分立

殿東西檐之次。候時之堂官一員。率欽天監博士

詣

乾清門奏時。

皇帝具袞服乘輿出。導從扈衛如常儀至。

中和殿北階上。降輿。太常寺卿導

駕御殿內。詣案前北向。徧

閱祝文香帛。畢。仍自

殿北門乘輿還宮。禮部祠祭司官捧祝文香帛出。

午門設龍亭內。如來儀所司徹案。校尉昇亭出禮

部堂官。從至禮部。陳於堂上正中。告祭官及齋

送香帛筆帖式。以次序立於堂左。禮部尙書一

員於亭左立。祠祭司官詣亭前跪三叩。以次捧

祝帛。香授尙書。轉授告祭官。告祭官跪授興授

筆帖式依次序由中門出分齋往祭如不

親閱禮部尚書前一日齋祠祭司官豫以香帛陳於

禮部大堂禮部尚書恭視畢交告祭官齋奉其

至本地致祭祭品用牲牢簠簋祭告

闕里並照常用樂均如

時巡

遣官祭告之儀

一江南及河東等處工次建立

黃河神廟並江南清黃交匯地方所建

淮河神廟俱春秋讀文致祭

謹按乾隆五十三年上諭前據

書麟李奉翰奏黃河水勢於五月內陸續增長淮水來源亦復旺盛足以抵禦黃流暢達東注現在時屆伏汛各工平穩等語覽奏深為欣慰續又據蘭第錫畢沅奏南北兩岸各工於六月內長水自五六尺至八九尺不等皆於一二日後旋即消落舊有險工俱各搶護平穩現在伏汛安瀾工程鞏固尤為以手加額目下雖甫交秋令暑雨漸少而秋汛方長尤應加倍敬慎朕與河工諸臣當共矢此心但本年河流順軌運道深通自賴神明佑助之力向來四瀆雖各有專祀而工所黃淮河神廟每年春秋未經官為致祭典甚闕焉自宜特重明禋以昭靈贖所有江南及河東等處工次建立黃河神廟並江南清黃交匯地方所建淮河神廟俱著於每年春秋二季官為致祭交該部載入祀典並著翰林院撰擬祭文發往於致祭日敬謹宣

大定禮部則例

卷三十三 祠祭清吏司

七

讀以崇功德而報神庥。○江南省冊報襄河  
廳屬運口汎惠濟祠。淮濱廟謝大王廟。黃大王  
廟。清江浦呂祖師廟。清江汎南岸五孔橋大王  
廟。清江洪門上首禹王臺。清江闌下大王廟。又  
風神廟。湖神廟。北岸王家田頭對河大王廟。玉  
帶河北岸碧霞宮。平橋汎東岸玉露菴。內係謝  
大王神像。外河廳屬南岸汎陶莊河神廟。清口  
風神廟。山安廳屬安東汎李家馬頭工次河神  
廟。時工關帝廟。西門大王廟。上河汎十堡河神  
河神廟。劉工隄面河神廟。下河汎佃湖工河神  
大王廟。北岸汎雲梯關頭堡安阜交界地方禹  
王廟。高堰廳屬武家墩威顯靈王廟。高堰關帝  
廟。又禹王廟。山盱廳屬盱眙縣龜山地方淮濱  
廟。洪澤湖譚公廟。內奉水府都君。徐壩汎黃壩  
寺。內奉禹王。關帝。陽河廳屬寶應汎東隄大王  
廟。龍王廟。汎水汎東隄龍王廟。西隄湖神廟。東  
隄七里闌大王廟。永安汎東隄大王廟。二座高  
郵汎東隄大王廟。四座水利廳屬京口汎京口

東岸搜鹽廳迤北江神廟。豐碭廳屬豐汎蠡  
集上大王廟。蠡龍集下大王廟。石林工大王廟。  
蕭汎徐家莊大王廟。碭汎北越隄大王廟。銅沛  
廳屬郭汎徐城北門外上大王廟。北門迤東金  
龍四大王廟。睢南廳屬王家堂汎雙溝大王廟。  
房家莊大王廟。張家瓦房工大王廟。又瓦房工  
迤下大王廟。戴家樓汎戴工大王廟。朱家壩工  
大王廟。桃源廳屬烟墩汎烟墩工大王廟。陳家  
道口大王廟。龍窩汎桃源縣城北門外大王廟。  
談家壩工大王廟。高家莊工大王廟。崔鎮汎九  
里岡工大王廟。陶家莊工大王廟。黃家嘴汎河  
北鎮工大王廟。三岔工大王廟。運河廳屬邳汎  
瑤灣大王廟。貓兒窩大王廟。宿汎十字河南岸  
龍王廟。北岸大王廟。中渡口南岸大王廟。銅沛  
廳屬雲龍山金龍四大王龍神廟。宿虹廳屬阜  
河汎顯佑通濟昭靈效順黃河大王廟。古城汎  
黃河福主金龍四大王廟。銅沛廳屬小店汎韓  
家堂大王廟。睢南廳屬戴家樓汎魏家莊大王

廟風神廟桃源廳屬龍窩司家莊大王廟丹徒  
 縣都天神廟。○山東省冊報曹縣巡檢汛新四  
 堡東大王廟新改二隄舊六堡大王廟新六堡  
 南面隄根大王廟新八堡後二隄大王廟新十  
 堡隄頂大王廟曹縣主簿汛四堡隄頂大王廟  
 舊八堡隄頂大王廟商邱舊五堡隄頂大王廟  
 曹縣縣丞汛三堡隄頂張桓侯廟六堡西隄頂  
 趙雲將軍廟六堡東隄頂大王廟十三堡隄頂  
 大王廟二十一堡隄頂大王廟單縣主簿汛黃  
 岡集南二隄頂大王廟二十八堡朱旺廟大王  
 廟。○河南省冊報祥符縣境內黃河南岸上汛  
 四堡青谷堆黃河神廟十三堡南沙門黃河神  
 廟黑塌壩黃河神廟十七堡黃河神廟十九  
 堡一覽臺黃河神廟下汛陳家寨隄頂黃河神  
 廟八堡隄頂黃河神廟北岸上汛十二堡隄頂  
 黃河神廟下汛十九堡隄頂黃河神廟二十一  
 堡隄頂黃河神廟二十三堡隄頂黃河神廟中  
 牟縣楊橋黃河佑靈觀蘭陽縣北岸板廠黃河

惠安觀。榮澤縣北岸五堡黃河神廟。睢州境內  
 高家寨黃河慶順祠。武陟縣境內二鋪營黃河  
 嘉應觀原武縣城南大隄大王廟。桐栢縣東關  
 外淮神廟。閩鄉縣西關北近黃河岸禹王廟一  
 座內設立黃朱二大王牌位。  
 以上均照該省原冊全載於此。

欽定禮部則例卷一百三十四

祠祭清吏司

直省壇廟祭祀

社稷壇

一凡直省府州縣各擇爽塏之地建

社稷壇均北向歲以春秋仲月上戊日為民祈報省

會巡撫主祭有總督省分則以總督主祭道員

分治各府者於所治主祭其餘府州縣皆正印

官將事以各學教官糾儀生員充禮生省會丞

倅執事。府州縣以掾吏執事。

謹按嘉慶九年十月議准伊犁建立

社稷壇所有春秋致祭祭品儀注均如各省之例。

儀注

直省祭

社稷壇前期二日承祭陪祭執事各官各致齋於公

所祭日豫陳祭品每

神位前各帛一。劍二。簠二。簋二。籩四。豆四。爵三。共羊

一。豕一。尊一。雞初鳴承祭官以下朝服咸集聚

明贊引禮生二人引承祭官詣盥洗所盥洗通

贊禮生贊執事者各司其事贊引者引承祭官

至階前拜位立引班禮生二人分引陪祭官又

東武西各就拜位序立乃迎

神贊引者引承祭官升壇詣香案前司香跪捧香承

祭官三上香復位行三跪九叩禮陪祭各官皆

隨行禮奠帛初獻爵司帛捧篚進跪奠篚司爵

捧爵進獻爵奠正中皆退司祝禮生至祝案前

跪承祭官暨陪祭各官皆跪司祝讀祝畢詣

神位前跪安於案叩如初退承祭官暨陪祭各官行



三叩禮亞獻爵奠於左終獻爵奠於右均儀如初獻乃徹饌送

神承祭官行三跪九叩禮陪祭各官皆隨行禮司祝捧祝司帛捧帛恭送瘞所承祭官轉立拜位西旁東面候祝帛過復位引至望瘞位望瘞贊引告禮成引退衆皆退

神祇壇

一凡直省府州縣各建

神祇壇於春秋仲月祭

天神

地祇及本境

城隍之神在城文武皆與祭雩祭及祭厲均詣壇將事例同

儀注

神祇壇春秋仲月致祭設案一於壇正中南向

雲雨風雷神位居中境內

山川神位居左

城隍神位居右陳劍二篋二簋二籩四豆四案前

設俎陳羊一豕一又前設案一供祝版陳香盤  
 一鑪一燈二西設案一陳帛七尊一爵二十有  
 一陳福酒胙肉於尊俎之次主祭官及陪祀官  
 執事官序班並如祭

社稷壇之儀引班引贊通贊及執事諸人以次序立  
 質明引班引陪祭官入引贊引主祭官入通贊  
 贊執事者各司其事贊就位引主祭官至階下  
 盥手就拜位立陪祭官按班就東西拜位立均  
 北面迎

神上香讀祝行三獻禮飲福受胙如儀餘與

社稷壇同。○孟夏後諏吉行常雩禮陳設儀注同前

若歲間不雨守土長吏諏宜祀之辰具祝文隨時

擬備脯醢果實香帛尊爵鑪鐙之屬率屬素服

祈禱行禮儀節與常祀同既應而報陳設牲牢

朝服行報祀禮與祈祀同。○每歲三月清明節

七月望十月朔日祭厲壇於城北郊前期守土

官飭所司具香燭公服詣

神祇壇以祭厲告本境

城隍之神上香跪三叩興退至日所司陳羊三豕  
三米飯三石尊酒楮帛於祭所設燎鑪於壇南  
黎明禮生奉請

城隍神位入壇設於正中香案一。鑪鐙具贊禮生  
二人引守土官公服詣

神位前贊跪守土官跪贊上香。守土官三上香贊  
叩興守土官三叩興退執事者焚楮帛守土官  
詣燎鑪前祭酒三爵退禮生仍奉

城隍神位還

神祇壇退。

先農壇

一凡直省府州縣各建

先農壇歲以三月亥日致祭。省會以總督或巡撫主  
祭。有故則布政使攝陪祀文武官及各執事均

與祭

社稷壇同。

儀注

直省祭

欽定禮部則例

卷一百三十五

祠祭清吏司

先農壇以三月亥日主祭陪祭執事各官前期二日各致齋於公所埽除壇墻內外祭日雞初鳴執事人入設

先農神案於壇正中南向陳劍一篋二篋二籩豆各四案前設俎陳羊一豕一又前設香案一陳祝文香盤鑪鐙左設一案東向陳帛一尊一爵三陳福酒胙肉於尊俎之次設盥洗於階下之東質明引班引陪祭官入引贊引主祭官入通贊贊執事者各司其事贊就位引主祭官至階下

盥手就拜位立陪祭官按班就東西拜位立均北面迎

神。上香。讀祝。行三獻禮。飲福受胙。如儀。餘與

社稷壇同。

雲雨風雷之神。

一凡直省

雲雨風雷之神如有專立廟宇者守吏以時致祭如

祭

神祇壇之禮

名山大川之神

一凡直省

名山大川之神每歲春秋仲月守吏率屬致祭有專祠者於祠內行禮未立專祠者設壇致祭儀

與告祭

遣官同但告祭有用太牢者常祭俱用少牢

一浙江省城

軒轅黃帝廟

蠶神並杭嘉湖屬二十三州縣

蠶神祠每年官為致祭所需祭品照致祭

先農壇之例辦理其致祭日期查照部頒祭祀日期

單內致祭

先蠶吉日一體遵行

謹按乾隆五十九年五月奉

蠶每年在

軒轅黃帝廟祈祀

蠶神向

不官為致祭隨

安設神牌於後殿率屬致祭三

月下旬天氣晴和

蠶桑茂育等語蠶桑本與稼

穡並重浙省杭嘉湖三府尤比戶飼蠶以資生

業允宜恭祀

先蠶

致祭載入該省祀典並御書扁額發往懸挂

軒轅黃帝廟及

先

蠶後殿以祈

神貺

一福建湄州

天后神廟及清口惠濟祠

天后神廟俱春秋讀文致祭 謹按乾隆五十三年 上諭本日

召見德成據奏 天后神廟向來止係地方私 祭從未春秋官為致祭等語從來有功德於民 能禦大災能捍大患者俱列祀典沿海處所勅 建 天后神廟屢著靈應而福建湄州係 神 原籍現在臺灣大功告成官兵凱旋來往遊行 安穩仰荷 神庥疊昭靈貺允宜特著明禋用 昭崇報著翰林院撰擬祭文發往嗣後該督撫 於 天后本籍祠宇春秋二季敬謹蠲潔讀文 致祭以隆祀事而答嘉庥仍交該部載入祀典 又奉 上諭據李奉翰奏清口惠濟祠 天后神廟歲時報祭未著祀典請一體頒發 祭文於春秋二季致祭等語前因派往臺灣官 兵渡洋穩順仰庇 神庥特於 天后封號上 加顯神贊順四字並令在湄州本籍祠宇春秋

致祭以昭靈感今清口惠濟祠供奉 天后神 像屢著靈應本年河流順軌運道深通自應一 體特著明禋以光祀典著交翰林院撰擬祭文 發往於春秋二季令地方官虔誠致祭並著李 奉翰將新加封號四字敬謹增入 神牌俾河 工永慶安瀾益昭靈貺嘉慶五年奉 旨 福建湄州 天后神廟於封號上加增垂慈篤 祐四字○六年議准於 天后宮後殿崇祀 天后父母凡應行秩祀處所令地方官安設 神牌以時致祭嗣經內閣奏准 封天后父 為積慶公 天后母為積慶公夫人○九年議 准清口 天后廟應加 封號即用福建湄 州 天后廟所加垂慈篤祐四字交 河道總督於該處 神牌敬謹增入

*[Faint bleed-through text from the reverse side of the page]*

欽定禮部則例卷一百三十五

*[Red seal impression]*

祠祭清吏司

直省壇廟祭祀 下

歷代帝王陵廟

一凡

歷代帝王陵廟所在有司勤為防護嚴禁樵採遇有

損壞即加修葺每歲守吏以春秋仲月致祭

儀注

凡每歲春秋仲月河南淮寧縣甘肅秦州祭

太昊伏羲氏山西趙城縣祭

女媧氏湖南鄱縣祭

炎帝神農氏陝西中部縣祭

黃帝軒轅氏山東曲阜縣祭

少昊金天氏河南滑縣祭

帝顓頊高陽氏帝嚳高辛氏山東濮州東平州山西

平陽府並祭

帝堯陶唐氏湖南寧遠縣祭

帝舜有虞氏浙江會稽縣祭

夏禹玉山西榮河縣祭

商湯王河南內黃縣祭

商中宗西華縣祭

商高宗陝西咸陽縣祭

周文王武王成王康王涇陽縣祭

漢高祖咸寧縣祭

文帝長安縣祭

宣帝河南孟津縣祭

光武帝陝西富平縣祭

次定禮部則例

卷三十五

祠祭清吏司



後魏孝文帝三原縣祭

唐高祖醴泉縣祭

太宗蒲城縣祭

憲宗涇陽縣祭

宣宗河南鄭州祭

後周世宗鞏縣祭

宋太祖太宗真宗仁宗奉天廣寧縣祭

遼太祖順天房山縣祭

金太祖世宗宛平縣祭

元太祖世祖江南江寧縣祭

明太祖順天昌平州祭

宣宗孝宗凡祭俱諏吉守土正印官一員致祭執事

以禮生祭日用羊一豕一惟金太祖世宗陵用太牢餘陳

設及行禮儀節與

遣官祭告同。

先師廟

一凡直省每歲以春秋仲月上丁日釋奠於

先師孔子省會首府有總督駐劄者總督正獻若只

巡撫駐劄者巡撫正獻兩序以布政按察二司及道員各一員兩廡以知府同知各一員分獻視幸省齋以佐貳官各一員糾儀以教授訓導各一員司祝司香司帛司爵司饌引贊通贊引班以學弟子員嫺禮儀者執事在城文武官縣丞千總以上咸與祭並致齋二日。

一月朔釋菜墜日上香以教授教諭訓導等官分班行禮與太學同。

一釋奠

先師之日同日致祭。

崇聖祠省會以學政正獻如學政按試他郡以布政使攝分獻以教諭訓導執事以學弟子員餘陳設行禮儀節並如太學祭

崇聖祠儀。

一不隸省會之府州縣。

文廟祭丁日有道員分駐者以道員為正獻無道員分駐者長官正獻兩序以其貳及所屬兩廡以食餼學弟子員各一人分獻

崇聖祠。教諭正獻兩序訓導分獻兩廡皆食餼學弟子員各一人分獻陳設器數行禮儀節與省會同月朔釋菜望日。上香亦與省會同。

儀注

祭之前一日有司飭廟戶潔掃殿廡內外視宰官公服詣神廚視宰正獻官率各官及執事生入學習儀教官率樂舞生入學習舞習吹樂用六佾祭日五鼓陳牲帛盥盛省視如儀正獻分獻官入廟將事行禮儀節均與太學釋奠同。

文昌廟

一凡直省春秋致祭

文昌廟均與

關帝廟祭儀同

謹按嘉慶六年五月遵旨奏准致祭文昌帝君仿照關帝

定制列入祀典定以二月初三日聖誕為春祭秋祭另行擇吉一切儀注祭品等項均照關帝典禮其各直省春秋致祭之處亦照關帝之例由該地方官敬謹致祭。又奏准各直省舊有文昌廟聽有司量加修葺以備春秋致祭四川梓潼縣鳳凰山靈蹟最著之文昌廟應照山西解州等處關帝廟之例令該地方官屆期躬詣致祭其向無祠廟之處令擇潔淨公所設位致祭祭畢徹位隨祀帛送燎毋得棄置褻慢

關帝廟

一凡直省俱設立

關帝廟每歲春秋仲月諏吉。及五月十三日。府州縣均致祭。前殿以地方正印官主祭。後殿以丞史將事。執事以禮生。祭日陳設牲牢器數。及迎神上香奠獻讀祝送神視燎儀注。均與

京師祭儀同。

賢良祠

一凡直省建立賢良祠於省會之地。守土大夫

有功德於民者。由督撫疏請入祠。每歲以春秋仲月諏吉致祭。祭日知府主祭。教授教諭訓導等官執事。祭品用羊一。豕一。果實五盤。帛一。尊爵。鑪。燈。具。主祭官上香奠帛三獻。如祭名宦鄉賢之儀。

昭忠祠

一直省府城各建昭忠祠。凡陣亡之文武大小官員及兵丁鄉勇。由部具題。各按本籍入祠致祭。八旗二品以上大員出師陣亡者。其陣亡地

方昭忠祠內亦設牌致祭位次在本籍官員之上駐防滿洲營兵丁出師陣亡者於駐防府分昭忠祠內設牌致祭位次在本籍兵丁之上其春秋致祭品物儀節均與直省祭賢良祠同名宦鄉賢忠義節孝等祠

一凡直省府州縣

文廟左右建名宦祠以祀仕於其土有功德者鄉賢祠以祀本地德行著聞之士忠義孝弟祠以祀本地忠臣義士孝子悌弟順孫節孝祠以祀節

孝婦女每歲春秋致祭

一官員忠節著聞已久昭忠祠者仍准題請入

忠義祠

儀注

每歲春秋釋奠禮畢教職一員公服詣祠致祭是日清晨廟戶啟祠門拂拭神案執事者陳羊一豕一籩四豆四鑪一燈二陳祝文於案左陳壺一爵三帛一香盤一於案右引贊二人引主祭官入詣案前北面立禮生自右捧香盤主祭

官三上香訖引贊贊跪叩興主祭官三叩興禮生自右授帛主祭官受帛拱舉仍授禮生獻於案上禮生酌酒實爵自右跪授爵主祭官受爵拱舉仍授禮生興獻於正中讀祝者捧祝文跪案左引贊贊跪主祭官跪讀祝畢以祝文復於案退主祭官俯伏興執事者酌酒獻於左又酌酒獻於右退引贊贊跪叩興主祭官三叩興執事者以祝帛送燎引贊引主祭官出執事者咸退

祠墓防護

一古聖先賢名臣忠烈凡有祠廟墓地并令有司官巡視防護歲終以防護無誤造冊報部及工部如有損壞卽行修理

